

## **ODLUKA**

**O PRIHVATANJU ZADUŽENJA PO SPORAZUMU O KREDITNOJ LINIJI  
(MAKROFINANSIJSKA POMOĆ ZA BOSNU I HERCEGOVINU) IZMEĐU EVROPSKE  
UNIJE (KAO ZAJMODAVCA) I BOSNE I HERCEGOVINE (KAO ZAJMOPRIMCA) I  
CENTRALNE BANKE BOSNE I HERCEGOVINE (KAO AGENTA ZAJMOPRIMCA)**

Na osnovu člana 40. stav (5) Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09, 44/10 i 30/16), Parlament Federacije Bosne i Hercegovine je, na sjednici Predstavničkog doma održanoj 2.2.2021. godine i na sjednici Doma naroda, održanoj 29.4.2021. godine donio

## **ODLUKU**

### **O PRIHVATANJU ZADUŽENJA PO SPORAZUMU O KREDITNOJ LINIJI (MAKROFINANSIJSKA POMOĆ ZA BOSNU I HERCEGOVINU) IZMEĐU EVROPSKE UNIJE (KAO ZAJMODAVCA) I BOSNE I HERCEGOVINE (KAO ZAJMOPRIMCA) I CENTRALNE BANKE BOSNE I HERCEGOVINE (KAO AGENTA ZAJMOPRIMCA)**

#### **I.**

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o kreditnoj liniji - Makrofinansijaska pomoć za Bosnu i Hercegovinu (u daljem tekstu: Sporazum) između Evropske unije (kao Zajmodavca) i Bosne i Hercegovine (kao Zajmoprimca) i Centralne banke Bosne i Hercegovine (kao Agenta Zajmoprimca), u iznosu do 153.750.000,00 EUR-a što iznosi 61,5 % od ukupno odobrenih sredstava za Bosnu i Hercegovinu koja iznose 250.000.000,00 EUR-a.

#### **II.**

Cilj sredstava Sporazuma iz tačke I. ove odluke je ublažiti ograničenja u smislu finansiranja iz vanjskih izvora, ublažiti platni bilans i ukupne budžetske potrebe, ojačati stanje deviznih rezervi i pomoći u rješavanju tekućih i vanjskih finansijskih poteškoća radi ekonomske stabilizacije i programa reformi.

#### **III.**

Sredstva Sporazuma iz tačke I. ove odluke odobravaju se Federaciji pod sljedećim uvjetima:

- rok otplate:..... do 15 godina;
- grace period:..... do 5 godina;
- kamatna stopa:.....fiksna ili varijabilna (zavisit će od kamatne stope po kojima se sredstva nabavljaju na međunarodnom tržištu kapitala);
- otplata glavnice:.....godišnje, a određuje se prema datumu povlačenja;
- valuta povlačenja kredita: .....EUR.

#### **IV.**

Potvrđuje se da je razmatrana dokumentacija prihvatljiva za Federaciju, a posebno:

- Zapisnik s pregovora između BiH i EU;
- Memorandum o razumijevanju između Evropske komisije, koja predstavlja Evropsku uniju i Bosne i Hercegovine;
- Sporazum o kreditnoj liniji između Evropske unije i Bosne i Hercegovine i Centralne banke Bosne i Hercegovine.

## V.

Daje se saglasnost za zaključivanje Supsidijarnog sporazuma o zajmu između Bosne i Hercegovine i Federacije za sredstva iz tačke I. ove odluke.

Za potpisivanje Supsidijarnog sporazuma ovlašćuje se federalni ministar finansija.

## VI.

Za realizaciju ove odluke i izvještavanje zadužuje se Federalno ministarstvo finansija.

## VII.

Implementacija Sporazuma iz tačke I. ove odluke ne zahtijeva donošenje novih ili izmjenu postojećih zakona.

## VIII.

Ova odluka stupa na snagu narednog dana od dana objavljivanja u "Službenim novinama Federacije BiH".

PFBiH, broj: 01,02-11-2188/20  
29.4.2021. godine

S a r a j e v o

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BiH

Mirsad Zaimović

PREDSJEDAVAJUĆI  
DOMA NARODA  
PARLAMENTA FEDERACIJE BiH

Tomislav Martinović